

阿毗達磨藏顯宗論卷第十六

爵六

尊者眾賢造 三藏法師 肇 詔譯

辯緣起品第四之五

如是已辯有情世間器世間今當辯頌曰

安立器世間 風輪最居下 其量廣無數

厚十六洛又 次上水輪深 十一億二萬

下八洛又水 餘凝結成金 此水金輪廣

徑十二洛又 三千四百半 周圍此三倍

論曰此百俱胝四大洲界如是安立同壞同

成謂諸有情法亦修得諸靜慮故下命終已

生第二等靜慮地中下器世間三災所壞經

久遠已依下空中由諸有情業增上力有微

風起後後轉增蟠結成輪其體堅密假設有

一大諾健那以金剛輪奮威懸擊金剛有碎

風輪無損如是風輪廣無數厚十六億踰繕

那又諸有情業增上力起大雲雨澍風輪上

滴如車軸積水成輪如是水輪於未凝結位

深十一億二萬踰繕那廣稱風輪有言狹小

有情業力持令不散如所食飲未熟變時終

不移流墮於熟藏有餘師說由風所持令不

傍流如箭持穀有情業力引別風起搏擊此

水上結成金如熟乳停上凝成膜故水輪減

惟厚八洛又餘轉成金厚三億二萬二輪界

別有百俱胝一一二輪廣量皆等謂徑十二

億三千四百半周圍其邊數成三倍謂周圍

量成三十六億一万三百五十踰繕那已辯

三輪山今當辯頌曰

蘇迷盧處中 次踰健達羅 伊沙馱羅山

竭地洛迦山 蘇達梨舍那 頰濕縛羯拏

毗那怛迦山 尼民達羅山 於大洲等外

有鐵輪圍山 前七金所成 蘇迷盧四寶

入水皆八萬 妙高出亦然 餘八半半下

廣皆等高量

論曰於金輪上有九大山妙高山王處中而

住餘八周匝繞妙高山於八山中前七名內

第七山外有大洲等此外復有鐵輪圍山周

匠如輪圍四洲界持雙等七惟金所成妙高山王四寶為體謂四面如次北東南西金銀吠瑠璃頗胝迦寶隨寶威德色顯於空故瞻部洲空似吠瑠璃色如是寶等從何而生從諸有情業增上力復大雲起雨金輪上滴如車軸經於久時積水奔濤深踰八万猛風鑽

辭云

二

擊寶等變生如是變生金寶等已復由業力引起別風簡別寶等攝令聚集成山成洲分水甘鹹令別成立內海外海云何一類水別類寶等生雨水能為異類寶等種所依藏復為種種威德猛風之所鑽擊生眾寶等故無有過如是九山住金輪上沒水量皆等八萬踰繕那蘇迷盧山出水亦尔如是則說妙高山王從下金輪上至其頂揔有十六万踰繕那其餘八山出水高量從內至外半半漸卑謂初持雙出水四万乃至最後鐵輪圍山出水三百一十二半如是九山一一廣量各各與自出水量同已辯九山海今當辯頌曰

山間有八海 前七名為內 最初廣八万
四邊各三倍 餘六半半狹 第八名為外
三洛叉二万 三千二百餘

論曰妙高為初輪圍為後中間八海前七名內七中皆具八功德水一甘二冷三軟四輕五清淨六不臭七飲時不損喉八飲已不傷腹如是七海初廣八万約持雙山內邊周量於其四面數各三倍謂各成二億四万踰繕那其餘六海量半半狹謂第二海量廣四万乃至第七量廣一千二百五十此等不說周圍量者以煩多故准前知故第八名外鹹水盈滿量廣三億二万三千及二百八十七踰

辭云

三

繕那半八十七半餘聲所顯已辯八海當辯諸洲形量有異頌曰
於中大洲相 南瞻部如車 三邊各二千
南邊有三半 東毗提訶洲 其相如半月
三邊如瞻部 東邊三百半 西瞿陀尼洲
其相如滿月 徑二千五百 周圍此三倍

北洲如方座 四面各二千 中洲復有八
四洲邊各二

論曰於外海中大洲有四謂於四面對妙高
山南瞻部洲北廣南狹三邊量等其相如車
南邊惟廣三踰繕那半三邊各有二千踰繕
那惟此洲中有金剛座上窮地際下據金輪

諸最後身菩提薩埵將登無上正等菩提皆
坐此座上起金剛喻定以無餘依及餘處所
有堅固力能持此定東勝身洲東狹西廣三
面量等形如半月東三百五十三邊各二千
此東洲東邊廣南洲南際故東如半月南瞻
部如車西牛貨洲形如滿月徑二千五百周

圍七千半北俱盧洲形如方座四邊量等面
各二千周圍八千踰繕那量隨自洲相人面
亦然復有八中洲是大洲眷屬謂四大洲側
各有二中洲瞻部洲邊二中洲者一遮末羅
洲二筏羅遮末羅洲勝身洲邊二中洲者一
提訶洲二毗提訶洲牛貨洲邊二中洲者一

舍搆洲二唄怛羅漫怛理拳洲俱盧洲邊二
中洲者一矩拉婆洲二橋拉婆洲此一切洲
皆人所住由下劣業增上所生故住彼人身
形卑陋有餘師說遮末羅洲羅刹娑居餘皆
人住辨諸洲已無熱惱池何方幾量頌曰
此北九黑山 雪香醉山內 無熱池縱廣
五十踰繕那

論曰至教說此瞻部洲中從中印度漸次向
北三處各有三重黑山有大雪山在黑山北
大雪山北有香醉山雪北香南有大池水名
無熱惱出四大河從四面流趣四大海一疏
伽河二信度河三徙多河四縛芻河無熱惱

池縱廣正等面各五十踰繕那量八功德水
盈滿其中非得通人難至其所於此池側有
瞻部林樹形高大其果甘美依此林故名瞻
部洲或依此菓以立洲号復於何處置捺落
迦何量有幾頌曰
此下過二万 無間深廣同 上七捺落迦

八增皆十六 謂燒煨屍糞 鋒刃烈河增
各住彼四方 餘八寒地獄

論曰此瞻部洲下過二万有阿鼻旨大捺落
迦深廣同前謂各二万故彼底去此四万踰
繕那何緣惟此洲下有無間獄惟於此洲起
極重惡業故刀兵等災惟此有故惟此洲人

極利根故以無樂間立無間名所餘地獄中
雖無異熟樂而無大過失有等流樂故有說
無隙立無間名雖有情少而身大故有說於
中受苦無間謂彼各為百釘釘身於六觸門
恒受劇苦屠熱鐵地鐵牆所圍猛焰交通曾
無暫歇身遭熱逼苦痛難任雖有四門遠觀

開闢而走求出便見開閉所求不遂荼毒怨
傷以己身薪投赴猛火焚燒支體骨肉焦然
惡業所持而不至死餘七地獄在無間上重
墨而住其七者何一者極熱二者饑熱三者
大叫四者號叫五者衆合六者黑繩七者等
活有說此七在無間傍外內自他身諸支節

爵六

五

皆出猛火互相燒害熱中極故名爲極熱火
隨身轉饑熾周圍熱苦難任故名饑熱劇苦
所逼發大酷聲悲叫稱怨故名大叫衆苦所
逼異類悲號怨發叫聲故名號叫衆多苦具
俱來逼身合黨相殘故名衆合先以墨索拼
量支體後方斬鋸故名黑繩衆苦逼身數悶

如死尋蘇如本故名等活謂彼有情雖遭種
種斫刺磨擣而彼暫遇涼風所吹尋蘇如本
等前活故立等活名八捺落迦增各十六謂
四門外各有四增以非皆異名但標其定數
故薄伽梵說此頌曰
此八捺落迦 我說甚難越 以熱鐵爲地

周匝有鐵牆 四面有四門 開閉以鐵扇
巧安布分量 各有十六增 多百踰繕那
滿中造惡者 周徧焰交徹 猛火恒炯然
此十六中受苦增劇過本地獄故說爲增或
於此中受種種苦苦具多類故說爲增或地
獄中遍受苦已重遭此苦故說爲增有說有

情出地獄已數復遭苦故說為增門各四增其名何等塘煨屍糞鋒刃烈河門門四增各皆相似塘煨增者謂此增中塘煨沒膝其量寬廣多踰繕那有情遊中纏下其足皮肉與血俱焦爛墜舉足還生平復如本屍糞增者謂此增中屍糞滿槎瀨臭澀深沒於火又廣於前塘煨增量於中多有娘矩吒蟲策利如針身白頭黑有情遊彼皆為此蟲鑽皮破骨啖食其髓鋒刃增者謂此增中復有三種一刀刃路謂於此中仰布刀刃以為大道有情遊彼纏下足時皮肉與血俱斷碎墜舉足還生平復如本二劍葉林謂此林上純以鈷利劍刃為葉有情遊下風吹葉墜斬刺支體骨肉零落有烏駝狗撲令僵仆齧首齧足齧頸擘腓醵腹掐心揗掣食噉三鐵刺林謂此林內鐵樹高聳量過百人有利鐵刺長十六指有情被逼上下樹時其刺鈷鋒下上鏡刺有鐵紫鳥探啄有情眼睛心肝爭競而食刀

將六

六

刃路等三種雖殊而鐵杖同故一增攝烈河增者謂此增河其量深廣熱鹹烈水盈滿其中有情溺中或浮或沒或逆或順或橫或轉被蒸被煮骨皮糜爛如大鑊中滿盛灰汁置麻米等猛火下然麻等於中上下迴轉舉體糜爛有情亦然設欲逃亡於兩岸上有諸獄卒手執刀槍禦捍令迴無由得出復有獄卒張大鐵網漉諸有情置於岸上洋銅灌其口令吞熱鐵丸衆苦備經還擲河內此河如塹前三似園圍繞莊嚴諸大地獄已說有八熱捺落迦寒捺落迦亦有八種何等為八一頰部陀二尼刺部陀三頰嘶吒四臃臃婆五呼婆六盟鉢羅七鉢特摩八摩訶鉢特摩此中有情嚴寒所逼隨聲身瘡變立差別想名謂二二三三如其次第此寒地獄在繞四洲輪圍山外極冥闇所於中恒有凄勁冷風上下衝擊縱橫旋擁有情遊此屯聚相依寒酷切身膚皮庖烈身戰疆鞭各出異身瘡開剖排

如三花相多由誘賢聖招如是苦果有說此
在熱地獄傍以贍部洲上尖下闊形如穀聚
故得包容是故大海漸深漸狹十六大獄皆
諸有情增上業感餘孤地獄或多二一各別
業招或近江河山間曠野或在地下空中餘
處無間大熱及炎熱三於中皆無獄卒防守

爵六

七

大叫號叫及衆合三少有獄卒琰魔王使時
時往來巡檢彼故其餘皆爲獄卒防守有情
無情異類獄卒防守治罰罪有情故火不焚
燒有情卒者彼身別稟異大種故或由業力
所遮隔故一切地獄身形皆豎初同聖語曾
聞有以聖語告言汝在人中不觀欲過又不
承敬梵志沙門是故於今受斯劇苦彼聞領
解生慙悔心後不分明苦所逼故諸地獄器
安布如是傍生所止謂水陸空生類顯形無
邊差別其身行相少豎多傍本住海中後流
五趣初同聖語後漸乖訛諸鬼本住琰魔王
國從此展轉散趣餘方此贍部洲南邊直下

深過五百踰繕那量有琰魔王都縱廣量亦
亦鬼有三種謂無少多財無財復三謂炬針
臭口少財亦有三謂針臭毛瘦多財亦有三
謂希祠棄大熱廣釋此九如順正理然諸鬼
中無威德者惟三洲有除此俱虛若有威德
天上亦有贍部洲西渚有五百於中有二唯

鬼所居渚各有城二百五十有威德鬼住一
渚城一渚城居無威德鬼諸鬼多分形豎而
行於劫初時皆同聖語後隨處別種種乖訛
日月所居量等義者頌曰

日月迷虛半

五十一五十

夜半日沒中

日出四洲等

兩際第二月

後九夜漸增

寒第四亦然

夜減晝翻此

晝夜增臘縛

行南北路時

近日自影覆

故見月輪缺

論曰日月衆星依何而住依風而住謂諸有
情業增上力共引風起繞妙高山空中旋環
運持日等令不停墜彼所住去此幾踰繕那
持雙山頂齊妙高山半日等徑量幾踰繕那

日五十一月惟五十星最小者半俱盧舍最大者十六踰繕那四洲日月各有別耶不介四洲同一日月俱時四處作所作耶不介云何夜半日没日中日日出四洲時等俱盧贍部牛貨勝身隔妙高山相對住故若俱盧夜半即贍部日中勝身日没牛貨日出若牛貨日

辭六

八

中即勝身夜半贍部日没俱盧日出此略義者隨何洲相對日中月中餘二洲隨應西沒東出第三洲處夜中晝中由是若時勝身牛貨如其次第日中月中介時光明四洲皆有然光作事在東南洲於西北洲惟明作事俱見兩事在北南洲謂贍部洲見日出月没見月出日没謂俱盧洲東勝身洲惟得見日惟得見月謂牛貨洲如是所餘例應思擇何緣晝夜有減有增日行此洲路有別故從兩際第二月後半第九日夜漸增從寒際第四月後半第九日夜漸減晝增減位與此相違夜漸增時晝便漸減夜漸減位晝即漸增晝夜

增時一晝夜增幾增一臘縛晝夜減亦然日行此洲向南向北如其次第夜增晝增何故月輪於黑半末白半初位見有缺耶世施設中作如是釋以月宮殿行近日輪月被日輪光所侵照餘邊發影自覆月輪令於介時見不圓滿理必應介以於介時亦見不明全月

輪故由是日没月便出時相去極遙見月圓滿日等宮殿何有情居四大王天所部天眾是諸天眾惟住此耶若空居天惟住如是日等宮殿若地居天住妙高山諸層級等有幾層級其量云何何等諸天住何層級頌曰
妙高層有四 相去各十千 傍出十六千

辭六

九

八四二千量 堅手及持鬘 恒憍大正眾
如次居四級 亦住餘七山
論曰蘇迷盧山有四層級始從水際盡第一層相去十千踰繕那量如是乃至從第三層盡第四層亦十千量此四層級從妙高山傍出圍繞盡其下半最初層級出十六千第二

第三第四層級如其次第八四二千住初層
天名為堅手持鬘居第二恒憍處第三四大
天王及諸眷屬各一方面住第四層堅手等
三天皆四王衆攝持雙山等七金山上亦有
四王所部封邑是名依地住四大王衆天於
欲天中此天最廣三十三天住在何處頌曰

妙高頂八萬 三十三天居 四角有四峯
金剛手所住 中宮名善見 周萬踰繕那
高一半金城 雜飾地柔輦 中有殊勝殿
周千踰繕那 外四苑莊嚴 衆車鹿雜喜
妙地居四方 相去各二十 東北圓生樹
西南善法堂

論曰三十三天住迷虛頂其頂四面各二十
千若據周圍數成八萬有餘師說面各八十
千與下際四邊其量無別山頂四角各有一
峯其高廣量各有五百有藥叉神名金剛手
於中止住守護諸天於山頂中有宮名善見
面二千半周萬踰繕那金城量高一踰繕那

半其地平坦亦真金所成俱用百一雜寶嚴
飾地觸柔輦如妬羅綿於踐躡時隨足高下
是天帝釋所都大城城有千門嚴飾壯麗門
有五百青衣藥叉勇健端嚴踰繕那量各嚴
鎧仗防守城門於其城中有殊勝殿種種妙
寶具足莊嚴蔽餘天宮故名殊勝面二百五

十周千踰繕那是謂城中諸可愛事城外四
面四苑莊嚴是彼諸天共遊戲處一衆車苑
謂此苑中隨天福力種種車現二鹿惡苑天
欲戰時隨其所須甲仗等現三雜林苑諸天
入中所玩皆同俱生勝喜四喜林苑極妙欲
塵雜類俱臻歷觀無狀如是四苑形皆畧方

爵云

十

一一周千踰繕那量居中各有一如意池面
各五十踰繕那量八功德水彌滿其中隨欲
妙花寶舟好鳥一一奇麗種種莊嚴四苑四
邊有四妙地中間各去苑二十踰繕那地一
一邊量皆二百是諸天衆勝遊戲所諸天於
彼捕勝歡娛城外東北有園生樹是三十三

天受欲樂勝所蟠根深廣五踰繕那聳幹上
昇枝條傍布高廣量等百踰繕那挺葉開花
妙香芬馥順風熏滿百踰繕那若逆風熏猶
徧五十城外西南角有大善法堂三十三天
時集詳辯制伏阿素洛等如法不如法事如
是已辯三十三天所居外器餘有色天衆所

住器云何頌曰

此上有色天 住依空宮殿

論曰從夜摩天至色究竟所住宮殿皆但依
空有說空中密雲彌布如地爲彼宮殿所依
外器世間至色究竟上無色故不可施設如
是所說諸天衆中頌曰

六受欲交抱 執手笑視姪

論曰梵衆天等由對治力於諸欲法皆已遠
離惟六欲天受妙欲境六欲天者一四大王
衆天謂彼有四大王及所領衆或彼天衆事
四大王是四大王之所領故二三十三天謂
彼天處是三十三部諸天所居妙高山頂四

爵六

十一

面各有八部天衆中央有一即天帝釋故三
十三三夜摩天謂彼天處時時多分稱快樂
哉四觀史多天謂彼天處多於自所受生喜
足心五樂變化天謂彼天處樂數化欲境於
中受樂六他化自在天謂彼天處於地所化
欲境自在受樂六中初二依地居天形交成
姪與人無別然風氣泄熱惱便除非如人間
有餘不淨夜摩天衆纒抱成姪俱起染心暫
時相抱熱惱便息惟一起染雖受抱樂而不
成姪若俱無染心雖相執抱如親相敬愛而
無過失觀史多天但由執手熱惱便息樂變
化天惟相向笑便除熱惱他化自在相視成
姪如是後三俱一無染成姪樂愛差別如前
後二天中惟化資具若異此者俱染不成實
並形交方成姪事施設所說顯時不同由上
諸天欲境轉妙貪心轉重身觸有殊故經少
時數成姪事不尔天欲樂應少於人中隨彼
諸天男女膝上有童男童女欵尔化生即說

為彼天所生男女初生天眾身量云何頌曰
初如五至十 色圓滿有衣
論曰且六欲諸天初生如次如五六七八九
十歲人生已身形速得圓滿色界天眾於初
生時身量周圍具妙衣服一切天眾皆作聖
言謂彼言詞同中印度然不由學自解典言

欲生樂生云何差別頌曰
欲生三人天 樂生三九處

論曰欲生三者有諸有情樂受現前諸妙欲
境彼於如是現欲境中自在而轉謂全人趣
及下四天有諸有情樂受自化諸妙欲境彼
於自化妙欲境中自在而轉謂惟第五樂變
化天有諸有情樂受他化諸妙欲境彼於他
化妙欲境中自在而轉謂第六他化自在天
此欲生三依何建立依受如生現前欲境故
依受如樂自化欲境故依受如樂他化欲境
故又依所受下中上境故又依受用有罪有
勞現前欲境故依樂受用無罪有勞自化欲

計六

上

境故依樂受用無罪無勞他化欲境故樂生
三者三靜慮中於九處生受三種樂以彼所
受有樂異熟無苦異熟故名樂生此樂生三
依何建立依多安住離生喜樂定生喜樂離
喜樂故或依三種災所及故或依尋喜樂增
上故或依身想異無異故所說諸天二十二

處上下相去其量云何頌曰
如彼去下量 去上數亦然

論曰一一中間踰繕那量非易可數但可摠
舉彼去下量去上例然隨從何天去下海量
彼上所至與去下同謂妙高山從第四層級
去下大海四萬踰繕那上去三十三天亦如
去下海量如三十三天去下大海上去夜摩
天其量亦尔如是乃至如善見天去下大海
從彼上去色究竟天其量亦尔如是懸遠多
踰繕那如明眼人暫見色頃世尊能以意勢
神通運身往來自在無礙故佛神力不可思
議於下處生昇上見不頌曰

離通力依他 下無昇見上

論曰如四大王天衆昇見三十三天非三十

三等天昇見夜摩天等然彼若得定所發通

一切皆能昇見於上或依他力昇見上天謂

得神通及上天衆引接往彼隨其所應或上

天來下亦能見若上界地來向下時非下化

身下眼不見非其境界故如不覺彼觸故上

界地來向下時必化下身為令下見依地居

天已說處量夜摩天等處量云何有說四天

如迷盧頂有說此四上倍倍增有餘師言初

靜慮地宮殿依處等一四洲第二靜慮等小

千界第三靜慮等中千界第四靜慮等大千

界有餘師言下三靜慮如次量等小中大千

第四靜慮量無邊際齊何量說小中大千頌曰

四大洲日月 蘇迷盧欲天 梵世各一千

名一小千界 此小千千倍 說名一中千

此千倍大千 皆同一成壞

論曰千四大洲乃至梵世如是摠說為一小

千千倍小千名一中千界千中千界摠名一
大千如是大千同成同壞中有情類成壞亦
同

說一切有部顯宗論卷第十六 爵六
蟠結上音踰繕下時翁反澍注音筓而市緣搏擊

上音膜莫音頰於為羯擊下尼鑽擊上子墜
反筏羅上音搯反丑佳猛怛下上烏骨反漫
反矩拉上力俱羽反反憍嬌反巨陵徒斯綺縱廣上

反捺落迦上反奴燔煨上烏回音堂下鋒刃上音際
反立逆釘釘上平去劇反奇逆歌反許謂關毗益茶毒
徒上音壘倫水去必耕斬鋸下音泥音作槎瀨

上助加反反澀所立矩吒下竹紫反子委啞反子雜
下息廉駁反必角撲反蒲角僵仆上音蓋下齧反魚
反鋸咬巧反同五齒反客加頸反居領擘反上補隔

俞醵亦作攬俱縛反反搯反苦夾攢擊反上測加反
下昌鐵刺下賜反反聳反息勇鏡刺下七亦反反探啄
上土含反反溺反如的糜爛碑上密反刀槍下羊反上禦捍

下音卓反反溺反如的糜爛碑上密反刀槍下羊反上禦捍

下音卓反反溺反如的糜爛碑上密反刀槍下羊反上禦捍

語或從日 漉音 尼刺下 晰吒上 腫各
 呼郭反 鞭吾 割拆上 澀古 衝尺 鍾各
 反交反 烈更 瘦於 渚之 臘郎 瑛以 訛和
 反炬反 反瘦反 反渚反 反臘反 反瑛反 反訛反
 上音賤下 鎧仗亥 玩吾 臻例 芬馥下
 尼輒反 反鎧反 反仗反 反玩反 反臻反 反芬反
 角音 娛愚 簪幹下 挺亭 芬馥伏
 反娛反 反簪反 反幹反 反挺反 反芬反 反馥反
 貞音 泚薛 頃傾 十四末
 時一領反 也

一切有部顯宗論卷第十六 爵六

阿毗達磨藏顯宗論卷第十七 爵七

尊者眾賢造 三藏法師玄奘奉詔譯

辯緣起品第四之六

如外器量別身量亦亦耶亦亦云何頌曰
 瞻部洲人量 三肘半四肘 東西北洲人
 倍倍增如次 欲天俱盧舍 四分一一增

色天踰繕那 初四增半半 此上增倍倍 唯無雲減三

論曰瞻部洲人身多長三肘半於中少分有
 長四肘東勝身人身長八肘西牛貨人長十
 六肘北俱盧人三十二肘欲界六天最下身
 量一俱盧舍四分之一如是後後一分增

至第六天身一俱盧舍半色天身量初梵眾
 天半踰繕那梵輔全一大梵一半少光二全
 此上餘天皆增倍倍唯無雲減三踰繕那謂
 無量光天倍增二至四乃至色究竟增滿萬
 六千身量既殊壽命別不亦有云何頌曰
 北洲定千年 西東半半減 此洲壽不定

後十初叵量 人間五十年 下天一晝夜
 乘斯壽五百 上五倍倍增 色無晝夜殊
 劫數等身量 無色初二萬 後後二二增
 少光上下天 大全半為劫

論曰北俱盧人定壽千歲西牛貨人壽五百
 歲東勝身人壽二百五十歲南瞻部人壽無